


大般若波羅蜜多經

第 五 百 七 十 九

五 十 八
珍 九

47366



大般若經第十一會施波羅蜜多分序 珍

蓋萬德相照統之者三身萬行相資都之者
六度若沖虛之六翻伺塵之六情矣故每因
別會各彰其分焉至如利物之基捨著之漸
詳其要也無出施乎但施有淪昇良資誘折
所以室羅復集檀那肇唱欲令三堅失守十

度成津即當躡四誓之修期排七空之秘鍵
轆二乘而直上摧三輪以遐驚紕以唯識何
國城之可依片以假名豈頭目之為我推之
以隨喜則不植而自滋矣絡之以迴向則不
勸而自覃矣控之以菩提則不遷而自致矣
權之以方便則不念而自融矣故不害物之



少也患夫用心之不弘不患施之難也患夫
忘取之不易其有嚴心以爲淨是未臻其嚴
矣趣寂以爲真是未會其寂矣又況名譽福
樂之求王賊水火之慮其於致極不亦彌遠
然則大覺之士弘願所歸其財施也畢生品
以充足其法施也罄舍識而出離然後忘其
所以爲之失其所以利之泊乎無感矣魏乎
有成矣惟斯文之允被欣此念之方恢雖盧
至之不拔卜商之難假亦冀慈音漸染鄙悞
推移自此而還孰能無變其文句贍溢誨喻
殷明凡勒成五卷非重譯矣

大般若波羅蜜多經卷第五百七十九

第十一布施波羅蜜多分之一

如是我聞一時薄伽梵在室羅筏住誓多林給孤獨園與大苾芻衆千三百人俱爾時世尊告舍利子諸菩薩摩訶薩修行布施波羅蜜多時經久如方得圓滿時舍利子便白佛

言無上正法佛爲根本佛爲導首佛爲所依唯願世尊宣說開示令苾芻衆聞已授持世尊爾時再三命勸舍利子言汝今應爲諸菩薩摩訶薩宣說布施波羅蜜多爾時具壽舍利子蒙佛再三慇懃命勸承佛神力先以布施波羅蜜多教誡教授諸菩薩摩訶薩言若

菩薩摩訶薩欲證無上正等菩提應緣一切
智智以大悲爲上首修行布施波羅蜜多若
菩薩摩訶薩緣一切智智大悲爲上首修行
布施波羅蜜多是菩薩摩訶薩則能攝受一
切智智疾證無上正等菩提復次諸菩薩摩
訶薩寧以無記心行於布施或不行施終不
以迴向二乘地心而行布施何以故諸菩薩
摩訶薩應怖聲聞獨覺地故尔時滿慈子問
舍利子言何因何緣諸菩薩摩訶薩應怖聲
聞及獨覺地舍利子言勿謂菩薩摩訶薩衆
謂一切智與二乘等故我今怖時滿慈子復
問具壽舍利子言諸菩薩施與聲聞施有何

珍

五十七九

二

乘

差別舍利子言聲聞行施迴向涅槃阿羅漢
果菩薩行施迴向菩提一切智智是謂差別
又滿慈子如有二人俱行布施一緣王位而
求勝果彼行施時作如是念願我由此作大
國王統領八方皆得自在彼隨此願後得爲
王匡化世間自在安樂一緣臣位而求勝果
彼行施時作如是念願我由此得作大臣王
所愛念委任驅策隨王所欲皆能成辦彼由
此願終不爲王雖此二人俱行布施而隨所
願果有勝劣菩薩聲聞行施亦尔謂諸菩薩
行布施時緣一切智智大悲爲上首以所修
行與有情共迴向無上正等菩提由此能得

一切智智若聲聞衆行布施時緣聲聞果自
求解脫不求無上正等菩提菩薩聲聞雖俱
行施而隨意願果有勝劣一由施故得一切
智智一由施故得聲聞果是謂差別又滿慈
子譬如有人修行布施求作長者或作居士
復有一人修行布施願爲長者居士僮僕當
珍知菩薩聲聞行施勝劣意願亦復如是三亦時
滿慈子讚舍利子言所說譬喻甚爲希有善
能開顯二施差別我亦當說二施譬喻謂如
有人持百千寶詣巨富者作如是言今以何
物奉上仁者願相攝受作親僮僕所有事業
我皆能辦諸聲聞衆行施亦然願作如來親

珍

五十七九

三

秀

近弟子菩薩不尔是謂差別又舍利子如有
女人捨王宮樂持百千寶竊詣長者或商主
家而語彼言今奉此寶願相納受以爲妻室
畢身承事終不虧違如是聲聞修行布施但
欲求作如來弟子菩薩不然是謂差別時舍
利子便讚具壽滿慈子言善能辯說二施譬
喻甚爲希有謂諸聲聞無巧方便所行布施
取聲聞果若諸菩薩有巧方便所行布施普
爲攝受一切有情得一切智又滿慈子若菩
薩摩訶薩欲證無上正等菩提一切行中應
先行施作如是念我今所造此惠施業施十
方界一切有情令永解脫惡趣生死未發無

上菩提心者令速發心已發無上菩提心者
令永不退若於無上正等菩提已不退者令
速圓滿一切智智如是菩薩思惟外境不離
內心攝諸善根令其漸次皆得增長是諸菩
薩若時若時攝受善根護令不退此諸菩薩
亦時亦時展轉鄰近一切智智此諸菩薩若
時若時漸得鄰近一切智智此諸菩薩亦時
亦時善根圓滿趣向無上正等菩提能盡未
來利樂一切又滿慈子諸菩薩摩訶薩修行
布施作是思惟若諸有情眼所照處願彼一
切皆得如是我所惠捨飲食等物若諸有情
受我所施飲食等物隨己所須少分受用持

餘轉施他諸有情彼諸有情少分受用復持
轉施諸餘有情如是展轉盡有情界皆同受
用我所施物我由如是布施因緣攝受善根
量無邊際復持如是無量善根普施十方諸
有情類皆求解脫惡趣生死未發無上菩提
心者令速發心已發無上菩提心者令永不
退若於無上正等菩提已不退者令速圓滿
一切智智是諸菩薩若時若時攝受善根展
轉增長此諸菩薩亦時亦時攝受一切波羅蜜
蜜多是諸菩薩若時若時攝受一切波羅蜜
多此諸菩薩亦時亦時展轉鄰近一切智智
當知如是諸菩薩眾方便善巧雖施少物而

珍

五十九

四

獲無量布施善根何以故滿慈子以布施心
境無分限迴向證得一切智故又滿慈子諸
菩薩摩訶薩修行布施生如是心我施善根
勿招餘果唯證無上正等菩提能盡未來利
樂一切如是迴向無上菩提非餘果者乃名
布施波羅蜜多普令一切波羅蜜多皆得圓
滿若無後心緣一切智迴向無上正等菩提
雖行布施而非布施波羅蜜多亦不能令餘
所修習波羅蜜多速得圓滿亦不能得一切
智智又滿慈子諸菩薩摩訶薩雖少布施若
能迴向無上菩提當知彼施其量深廣定能
證得一切智故諸菩薩摩訶薩雖多布施若

不迴向無上菩提當知彼施其量淺狹不能
證得一切智故又滿慈子若菩薩摩訶薩修
行布施不起後心迴向無上正等菩提亦不
緣於一切智智是菩薩摩訶薩雖行布施而
非布施波羅蜜多能招生死非一切智若菩
薩摩訶薩修行布施能起後心迴向無上正
等菩提亦復緣於一切智智是菩薩摩訶薩
所行布施名為布施波羅蜜多不招生死得
一切智又滿慈子若菩薩摩訶薩雖行布施
而不執著雖能迴向無上菩提亦不執著雖
能緣於一切智智亦不執著是菩薩摩訶薩
方便善巧修行布施波羅蜜多速得圓滿亦

珍

五七九

五

秀

令一切波羅蜜多究竟圓滿疾證無上正等
菩提能盡未來利樂一切尔時滿慈子問舍
利子言尊者所說如是法要爲自辯才爲承
佛力舍利子言我承佛力說是法要非自辯
才時舍利子復告具壽滿慈子言假使十方
無量無數無邊世界一切有情爲欲證得阿
羅漢果經如苑伽沙數大劫以諸財物或施
無量無數異生或施無量無數聲聞或施無
量無數獨覺彼所獲福無量無數不可思議
有菩薩摩訶薩緣彼布施作是念言彼諸有
情所獲福聚我皆隨喜是菩薩摩訶薩復持
如是隨喜俱行諸福業事所有善根普施十

方諸有情類願彼一切皆求解脫惡趣生死
未發無上菩提心者令速發心已發無上菩
提心者令永不退若於無上正等菩提已不
退者令速圓滿一切智智是菩薩摩訶薩由
此隨喜迴向善根一切智智速得圓滿是菩
薩摩訶薩所有隨喜迴向善根於前有情布
施福聚百倍爲勝千倍爲勝乃至鄔波尼殺
曇倍亦復爲勝如是菩薩所有隨喜迴向之
心超勝世間諸有情類所行施福是爲菩薩
方便善巧雖少用功而福無量又滿慈子假
使十方無量無數無邊世界一切有情住如
琉璃沙數大劫恒以無量無邊供具奉施諸

佛及苾芻僧彼由此緣獲福無量有菩薩摩訶薩緣彼福聚深心隨喜作是念言彼十方界諸有情類能於如是真淨福田恭敬供養身心無倦善哉善哉我於彼福深生隨喜是菩薩摩訶薩因隨喜心所生福聚於十方界一切有情施佛及僧所有功德百倍爲勝千倍爲勝乃至鄔波尼殺曇倍亦復爲勝如是菩薩隨喜之心超諸世間所行施福如四洲界所有珠寶火藥等光雖能照曜而彼一切皆爲月輪所發光明之所映奪如是十方諸有情類所行施福雖量無邊而爲菩薩隨喜之心所引善根之所映奪如四洲界所有光

明皆爲日光之所映奪如是十方諸有情類
所行施福皆爲菩薩隨喜善根之所映奪又
滿慈子如多百千迦遮末尼聚在一處雖有
種種雜色光明若有持一吠琉璃寶置其聚
上令彼一切雜色光明悉皆隱沒如是十方
諸有情類雖住無量殑伽沙劫恒以種種上
妙樂具施有情類或施佛僧而一菩薩於彼
福聚起隨喜心所獲功德勝彼福聚百倍千
倍乃至卽波尼殺曇倍又滿慈子如多百千
世間凡馬集在一處輪王馬寶若入其中令
彼一切威光隱沒如是十方諸有情類雖住
無量殑伽沙劫修行布施集諸善根而一菩

薩於彼善根深心隨喜所獲功德勝彼善根
百倍千倍乃至鄔波尼殺曇倍如是菩薩隨
喜俱心映奪世間施福業事是故菩薩欲證
無上正等菩提於諸有情所作功德應深隨
喜又滿慈子諸菩薩摩訶薩應持所起隨喜
心俱諸福業事施十方界一切有情願彼十
方諸有情類皆求解脫惡趣生死未發無上
菩提心者令速發心已發無上菩提心者令
永不退若於無上正等菩提已不退者令速
圓滿一切智智是諸菩薩若時若時捨諸善
根施有情類此諸菩薩亦時亦時展轉鄰近
一切智智是諸菩薩若時若時於已善根不

珍

五十七九

七

執我所此諸菩薩尔時尔時能以善根廻施
有情願皆離苦得永安樂是諸菩薩若時若
時捨己善根施有情類此諸菩薩尔時尔時
雖不修習善提資糧而能鄰近一切智智是
諸菩薩若時若時於己善根不執我所施十
方界一切有情願皆離苦得永安樂此諸菩
薩尔時尔時善根增進鄰近無上正等菩提
能疾證得一切智智是諸菩薩若時若時於
己善根不執我所此諸菩薩尔時尔時攝受
無量殊勝善根何以故滿慈子此菩薩心境
無分限廻向證得一切智故如是菩薩隨喜
俱心方便善巧雖持隨喜所引善根廻施有

情而於善根及有情類都無所執雖願有情
解脫惡趣及生死苦而於惡趣及生死苦都
無所執雖願攝受諸有情類令發無上正等
覺心而於發心都無所執雖願攝受諸有情
類令於無上正等菩提永不退轉而於此位
都無所執雖願攝受諸有情類令菩薩行速
得圓滿疾能證得一切智智而於此位都無
所執雖願自得一切智智而於此智亦無所
執如是菩薩無所執見當知是爲方便善巧
如是菩薩隨喜迴向俱行之心皆有方便善
巧力故能普任持諸餘菩薩摩訶薩衆令獲
殊勝利益安樂及自攝受一切智智疾證無

上正等菩提又滿慈子設十方界一切有情
住如殞伽沙數大劫恒以種種上妙供具奉
施諸佛及苾芻僧供養恭敬尊重讚歎修諸
福業有一菩薩持一鉢飯施佛及僧其福勝
彼百倍千倍乃至鄔波尼殺曇倍所以者何
以此菩薩不見施者不見受者不見施物雖

珍

五三七九

八

觀諸法本性皆空而行施時常不遠離迴向
發願爲持施福與有情共迴向無上正等菩
提願同證得一切智智是故菩薩行布施時
於諸有情所行施福百倍爲勝千倍爲勝乃
至鄔波尼殺曇倍亦復爲勝由斯定證無上
菩提利益安樂諸有情類又滿慈子諸菩薩

摩訶薩修行布施應起是心我今惠捨如是
財物諸所引發殊勝善根普施十方諸有情
類在地獄者速出地獄住傍生者速脫傍生
居鬼界者速離鬼界人天趣中有憂苦者願
彼一切憂苦永息馱生死者速出三界十方
無量無邊有情未發無上菩提心者令速發
心已發無上菩提心者令永不退若於無上
正等菩提已不退者令速圓滿一切智智是
諸菩薩若時若時捨諸善根施有情類此諸
菩薩亦時亦時攝受布施波羅蜜多是諸菩
薩若時若時攝受布施波羅蜜多此諸菩薩
亦時亦時增長一切波羅蜜多是諸菩薩若

時若時增長一切波羅蜜多此諸菩薩爾時
爾時攝受無量殊勝善根是諸菩薩若時若
時攝受無量殊勝善根此諸菩薩爾時爾時
展轉親近一切智智如是菩薩方便善巧雖
少用功而獲多福是故菩薩欲證無上正等
菩提常應勤修方便善巧又滿慈子是諸菩
薩珍若時若時於己善根不執我所此諸菩薩
爾時爾時攝受無量無邊善根所以者何此
諸菩薩欲令無量無邊有情咸疾證得一切
智智如是菩薩能捨一切於他善根尚能迴
捨施餘無量無邊有情況自善根而不能捨
尚能惠捨所有善根況餘珍財而不能捨如

珍

五三七九

九

是菩薩能捨一切色非色物能捨一切自他
所有殊勝善根乃至能捨一切智智施諸有
情令同證得如是菩薩大師子吼我於諸法
都無所見我於一切有色無色內外諸物亦
無所見雖無所見而皆能捨如是菩薩作是
念言我都不見若法若物而不能捨施諸有
情如是菩薩當證無上正等覺時以所證得
一切智智觀察世間大師子吼我於諸法都
無所見我於一切有色無色內外諸物亦無
所見雖無所見而皆能捨謂不見有若法若
物於諸有情而不能施如是菩薩常作是念
我當證得無上覺時於一切法都無所見雖

無所見而於諸法無不現證無不遍知由諸
菩薩能捨一切是故證得無上覺時於一切
法能究竟捨由捨究竟於一切法無不現證
無不遍知如如於法無所不捨如是如是都
不見法如如於法都無所見如是如是於一
切法無不現證無不遍知如是菩薩若內若
外皆悉能捨於內外法悉能捨故都無所見
由於諸法無所見故證得無上正等覺時於
一切法無不現證無不遍知能盡未來利樂
一切又滿慈子諸菩薩衆應如是學清淨布
施波羅蜜多若諸菩薩能如是學清淨布施
波羅蜜多乃得名爲真淨菩薩常不遠離一

切智心若時菩薩常不遠離一切智心是時
菩薩一切惡魔尚不得便況餘藥義畢舍遮
等能得其便若諸有情能得如是菩薩便者
必無是處所以者何若地方所有諸菩薩修
行布施波羅蜜多作意思惟一切智智時無
暫捨此地方所人及非人皆不得便何以故
珍滿慈子若常思惟一切智智如是作意不可
五十七思議廣大甚深世間希有以一切智不可思
議廣大甚深難測量故又滿慈子若諸菩薩
能如是學大菩提行於諸有情有大恩德能
善養育一切有情謂令世間諸有情類無諸
災難斷惡修善由此因緣諸菩薩衆在菩薩

位常能利樂一切異生聲聞獨覺若諸菩薩
當證無上正等覺時亦於有情有大恩德能
善養育一切有情謂說正法令斷煩惱由斯
無量無邊有情皆得涅槃畢竟安樂是故菩
薩當證無上正等覺時普於異生聲聞獨覺
爲最爲勝爲尊爲高爲妙爲微妙爲上爲無
上無等無等等般涅槃後亦於有情有大恩
德能善養育一切有情謂於如來萃堵波所
供養恭敬尊重讚歎奉施種種上妙花鬘塗
散等香衣服瓔珞寶幢幡蓋伎樂燈明由此
因緣彼有情類種植無量殊勝善根或聞如
來涅槃法要精勤修學證般涅槃若於如來

窳堵波所下至奉獻一香一花卅尊記彼皆
當離欲多有畢竟得般涅槃如是菩薩住菩
薩位於諸有情有大恩德能善養育一切有
情證得無上正等覺時亦於有情有大恩德
能善養育一切有情般涅槃後亦於有情有
大恩德能善養育一切有情以諸菩薩常於
有情有大恩德能善養育一切有情故於世
間最尊最勝唯除諸佛無能及者又滿慈子
若諸菩薩成就如是殊勝功德是諸菩薩常
於有情作大饒益譬如真金常能饒益一切
有情謂未燒鍊或已燒鍊未作嚴具已作嚴
具若未轉易或已轉易常能饒益一切有情

如是菩薩修菩提行住菩薩位能於有情作
大饒益證得無上正等覺時亦於有情作大
饒益般涅槃後亦於有情作大饒益又滿慈
子如日月輪巡四洲界與諸有情作大饒益
謂四洲界一切有情由日月輪光明照燭作
諸事業又能了知若晝若夜半月滿月時年
等異又諸花果苗稼草木因日月輪光明照
故生長成熟資養有情如是菩薩修菩提行
住菩薩位於諸有情作大饒益證得無上正
等覺時亦於有情作大饒益般涅槃後亦於
有情作大饒益又滿慈子諸菩薩衆成就如
是廣大功德常與有情作大饒益譬如商主

多有珍財能令百千商族眷屬皆得充足諸
資生具乃至死後諸有情類由彼珍財亦得
豐樂如是菩薩行菩提行住菩薩位尚能利
樂無量有情況得菩提般涅槃後具大勢力
而不能令諸弟子等利益安樂又滿慈子如
是菩薩常能利樂一切有情謂菩薩位若成
正覺若般涅槃常於有情作大饒益未曾暫
捨如有善士具善士相能自安樂亦能安樂
諸餘有情善攝珍財善能分布故名善士如
是菩薩善攝種種功德珍財在菩薩位善能
利樂無量有情證得無上正等覺時亦善利
樂無量有情般涅槃後亦善利樂無量有情

謂涅槃後功德勢力亦善利樂諸弟子等又
滿慈子如是菩薩若菩薩位若得菩提若涅槃
後常能利樂一切有情無時暫捨如彼善
士具善士相能令自他俱得安樂遠離種種
不如意事諸菩薩衆亦復如是能令自他常
得安樂遠離種種惡業煩惱不墮惡趣生死
輪迴得般涅槃畢竟安樂或成正覺饒益一
切又滿慈子如刹帝利灌頂王種堪紹王位
若爲太子若作王時安樂一切沙門梵志及
餘有情若命終後亦能安樂國土有情令無
衰惱謂由彼王功德餘勢國土豐樂無怨賊
等如是菩薩行菩提行住菩薩位已能安樂

一切有情證得無上正等覺時亦能安樂一
切有情般涅槃後亦能安樂一切有情謂涅
槃後無量有情於窣堵波供養恭敬尊重讚
歎獲無量福聽聞正法受持讀誦如理思惟
爲他演說亦得無邊功德勝利諸有情類於
佛世尊般涅槃後若念如來所有戒蘊定蘊
慧蘊解脫蘊解脫智見蘊彼有情類由此因
緣不墮惡趣生天人中恒受快樂或有證得
三乘涅槃能令自他畢竟安樂彼有情類於
現身中人非人等不能爲害諸怖畏事不能
侵惱何以故滿慈子念佛功德能滅世間人
非人等怖畏事故尔時佛讚舍利子言善哉

善哉如汝所說若有情類能念如來所有戒
蘊定蘊慧蘊解脫蘊解脫智見蘊彼有情類
能滅世間人非人等諸怖畏事時舍利子便
白佛言希有世尊如來成就如是清淨廣大
妙法爾時世尊告舍利子應知菩薩亦有成
就如是清淨廣大妙法舍利子言何謂菩薩
所成清淨廣大妙法佛言菩薩所成清淨廣
大妙法謂發無上正等覺心不復退轉何以
故舍利子最極清淨廣大妙法謂如來性自
然覺性無上正等菩提之性若諸菩薩已發
無上正等覺心不復退轉定當成就如是清
淨廣大妙法時舍利子復告具壽滿慈子言

珍

五十七十九

十三

諸菩薩衆應起是心若諸有情來至我所求
索種種資生之具我當發起決定施心不應
發起無資具心設我現無所索資具要當方
便求覓施與然不法起如是之心我既現無
所索資具不應方便爲彼求覓若餘有情自
施彼者我當隨喜若不欲施我當種種方便
勸發要令求者所願滿足如是菩薩或施有
情所須資具或自供侍師長病者所作福業
皆與有情平等共有迴向無上正等菩提欲
盡未來利樂一切令脫惡趣或生死苦令得
涅槃或一切智若諸有情自行布施修餘福
業菩薩勸彼迴向無上正等菩提如是菩薩

所獲福聚於餘有情布施福業百倍爲勝千
倍爲勝乃至馱波尼殺曇倍亦復爲勝所以
者何菩薩勸發迴向之心能令自身及有情
類俱證無上正等菩提又滿慈子諸菩薩衆
修行布施波羅蜜多先應修習方便善巧隨
所修習方便善巧修行布施隨所修行布施
福業迴向無上正等菩提願諸有情皆同證
得一切智智如是菩薩亦便善巧能令自他
俱獲勝利若諸菩薩修行布施不先修習方
便善巧設經旃伽沙數劫任修行布施不能
發心與有情共迴向菩提不能攝受所修布
施波羅蜜多不能證得本所希求一切智智

又滿慈子設諸有情持廣大器量等三千大
千世界至菩薩所語菩薩言我等今須滿此
器物願疾施與菩薩於彼不起異心但起是
心定當施與謂終不起瞋恨之心如是有情
輕觸於我亦復不起不施與心謂我如何施
彼多物亦復不起無財寶心謂我云何能辦
尔許種種財寶滿彼有情所持量等大千界
器但作是念我今爲彼修勝神通種種方便
集諸財寶必令求者所願滿足菩薩尔時熾
然精進作大加行求勝神通欲集珍財施來
求者攝受精進波羅蜜多既得神通多集財
寶施來求者令滿所願攝受布施波羅蜜多

如是名爲諸菩薩衆修行布施波羅蜜多發
廣大心常無厭倦由斯疾證無上菩提能盡
未來利樂一切又滿慈子諸菩薩摩訶薩應
愍有情而行布施應住慈心與有情樂而行
布施應住悲心拔有情苦而行布施應住喜
心慶有情類離苦得樂而行布施應住捨心
於有情類平等饒益而行布施如是施已應
生是心我所作福及所作善普施十方諸有
情類令求解脫惡趣生死未發無上菩提心
者令速發心已發無上菩提心者令永不退
若於無上正等菩提已不退者令速圓滿一
切智智是諸菩薩若時若時捨福善根施有

情類此諸菩薩。爾時爾時善根增長。是諸菩薩。若時若時。以所修善。與有情共迴向無上正等菩提。願同證得一切智智。此諸菩薩。爾時爾時善根增益。又滿慈子。譬如真金。若時若時。鎔鍊燒打。爾時光色轉盛。若時若時。光色轉盛。爾時展轉調柔。堪為器具。五十七九

珍

五十七九

十五

如是菩薩。若時若時。以所作善。與有情共迴向無上正等菩提。願同證得一切智智。爾時爾時善根轉盛。若時若時善根轉盛。爾時爾時展轉鄰近一切智智。又滿慈子。如有女人。磨瑩鏡面。若時若時。加功磨瑩。爾時爾時鏡轉明淨。若時若時。鏡轉明淨。爾時爾時鏡面

無垢衆像皆現如是菩薩若時若時以所作
福及所作善決定迴向一切智智爾時爾時
能普施與十方世界一切有情令求解脫惡
趣生死未發無上菩提心者令速發心已發
無上菩提心者令永不退若於無上正等菩
提已不退者令速圓滿一切智智此諸菩薩
若時若時捨已善根施有情類爾時爾時善
根轉盛若時若時善根轉盛爾時爾時展轉
鄰近一切智智如是菩薩方便善巧迴向所
求一切智智令諸功德漸漸增長疾證無上
正等菩提能盡未來饒益一切又滿慈子云
何菩薩多行布施攝受少福云何菩薩少行

布施攝受多福云何菩薩少行布施攝受少
福云何菩薩多行布施攝受多福若諸菩薩
雖經殫伽沙數大劫恒捨無量無數珍財普
施十方諸有情類而不迴向無上菩提願與
有情皆同證得一切智智如是菩薩多行布
施攝受少福若諸菩薩雖經少時施有情類
少分財物而能迴向無上菩提願與有情皆
同證得一切智智如是菩薩少行布施攝受
多福若諸菩薩經於少時施有情類少分財
物不能迴向無上菩提願與有情皆同證得
一切智智如是菩薩少行布施攝受少福若
諸菩薩經於殫伽沙數大劫恒捨無量無數

珍財普施十方諸有情類復能迴向無上菩提願與有情皆同證得一切智智如是菩薩多行布施攝受多福是故菩薩摩訶薩衆欲證無上正等菩提應以善根與有情共迴向無上正等菩提願與有情皆同證得一切智智若菩薩摩訶薩欲能攝受無量福蘊與諸有情作大饒益疾能證得一切智智常應不離一切智智相應作意修行布施波羅蜜多若菩薩摩訶薩常不遠離一切智智相應作意修行布施波羅蜜多是菩薩摩訶薩便能攝受無量福蘊疾證無上正等菩提與諸有情作大饒益何以故滿慈子若諸菩薩常不

遠離一切智智相應作意修行布施波羅蜜
多是諸菩薩刹那刹那功德善根漸漸增長
由斯疾證無上菩提能盡未來利樂一切是
故菩薩欲與有情常作利益安樂事者一切
行中常勤修習方便善巧迴向無上正等菩
提願與有情作大饒益

大般若波羅蜜多經卷第五百七十九

珍

遠離一切智智相應作意修行布施波羅蜜
多是諸菩薩刹那刹那功德善根漸漸增長
由斯疾證無上菩提能盡未來利樂一切是
故菩薩欲與有情常作利益安樂事者一切
行中常勤修習方便善巧迴向無上正等菩
提願與有情作大饒益

大般若波羅蜜多經卷第五百七十九

珍

壽慶禪尼捨金捨五兩修補大般若經六百卷伏願福資亡者
頓到彼岸家立災厄身增福壽不失正念當生安養
元祿九丙子歲二月十七日

法金剛院住持比丘照山慧晃識

